

$$= \frac{272}{(1+i)^{\frac{13}{52}}} + \frac{272}{(1+i)^{\frac{26}{52}}} + \frac{544}{(1+i)^{\frac{52}{52}}}$$

$$= \frac{272}{(1+i)^{0,25}} + \frac{272}{(1+i)^{0,5}} + \frac{544}{(1+i)^1}$$

Með þessari jöfnu er hægt að reikna i með endurteknum nálgunum sem má forrita á vasareiknivél.

Útkoman er $i = 0,13185$ sem er rúnnað af í 13,2% (eða 13,19% ef kosin er nákvæmni upp á tvo aukastafi)

Nr. 237

5. apríl 2000

AUGLÝSING

um breytingu á deiliskipulagi í Bessastaðahreppi.

Hólmatún.

Samkvæmt skipulags- og byggingarlögum hefur hreppsnefnd Bessastaðahrepps þann 21. mars 2000 samþykkt breytingu á deiliskipulagi Hólmatúns í Bessastaðahreppi. Breytingin er í því fólgin að húsformi keðjuhúsa er breytt og þeim jafnframt fjölgað úr átta í fjórtán, með tilsvareandi breytingu á götu. Auk þess er spennistöð staðsett við Suðurnesveg, í suðurhorni skipulagssvæðisins.

Skipulagsbreytingin hefur hlotið þá meðferð sem skipulags- og byggingarlög mæla fyrir um. Breytingin öðlast þegar gildi.

Bessastaðahreppi, 5. apríl 2000.

Gunnar Valur Gíslason sveitarstjóri.

Nr. 238

31. mars 2000

REGLUGERÐ

um breytingu á reglugerð um happdrætti Dvalarheimilis aldraðra sjómanna nr. 148 1. mars 2000.

1. gr.

2. mgr. 5. gr. orðist svo:

Hver hlutamiði ber áprentað númer frá 1-80.000, bókstaf flokkaraðar, flokksnúmer frá 1-12, verð miðans, síðasta sölundag, dráttardaga og innlausnarfrest vinninga. Á miðann skal prenta eiginhandarundirskrift forstjóra happdrættisins og á honum skal vera undirskrift og eiginhandarstimpill söluumboðsmanns. Draga skal vikulega og eigi sjaldnar en fjórum sinnum í mánuði í hverjum flokki.

2. gr.

7. gr. orðist svo:

Verð hlutamiða í hvorri flokkaröð skal vera 9.600 kr. ef keyptur er miði sem gildir í öllum 12 flokkum happdrættisársins sem er frá 1. maí til 30. apríl ár hvert.

Verð miða fyrir hvern flokk er 800 kr.

Sé óskað eftir að kaupa hlutamiða eftir að dregið hefur verið í fyrsta flokki happdrættisins eða síðar skal greiða fyrir hann, auk andvirðis þess flokks sem næst á að draga í, samanlagt verð hlutamiðans í öllum þeim flokkum sem dregið hefur verið í á árinu.

3. gr.

9. gr. orðist svo:

Um vinninga skal dregið á fimmtudögum. Beri fyrsta fimmtudag í mánuði upp á einhvern fyrstu þriggja daga mánaðarins gildir hlutamiði mánaðarins á undan í þeim útdrætti. Beri fimmtudag upp á almennan frídag er heimilt að draga næsta virkan dag á undan eða eftir.

Happdrættisráð getur veitt undanþágu frá ákvæði þessarar greinar ef því þykir ástæða til.

4. gr.

Reglugerð þessi, sem sett er samkvæmt heimild í lögum um happdrætti Dvalarheimilis aldraðra sjómanna, nr. 16 13. apríl 1973, sbr. lög nr. 53 25. maí 1976, lög nr. 24 26. mars 1987 og lög nr. 21 17. apríl 1997, um breyting á þeim lögum, öðlast gildi 20. apríl 2000.

Dóms- og kirkjumálaráðuneytinu, 31. mars 2000.

Sólveig Pétursdóttir.

Björn Friðfinnsson.

10 apríl 2000

Nr. 239

AUGLÝSING

um deiliskipulag húsa tengdra landbúnaði að Seljabrekku í Mosfellsdal, Mosfellsbæ.

Bæjarstjórn Mosfellsbæjar samþykkti deiliskipulag húsa tengdra landbúnaði að Seljabrekku í Mosfellsdal, Mosfellsbæ, á fundi sínum þann 16. febrúar 2000.

Skipulagið nær til lands Seljabrekku í Mosfellsdal, þar sem fyrirhuguð er uppbygging mannvirkja í tengslum við landbúnað. Svæðið afmarkast af Þingvallavegi að norðan og landi Bringna að sunnan, afrétti á Mosfellsheiði að austan og Laxnesi að vestan. Á landinu er gert ráð fyrir landbúnaðartengdri starfsemi í samræmi við ákvæði aðalskipulags.

Greinargerð og uppdráttur hafa hlotið þá meðferð sem skipulags- og byggingarlög mæla fyrir um. Skipulagsstofnun hefur heimilað auglýsingu þess. Deiliskipulagið öðlast þegar gildi.

Mosfellsbæ, 10. apríl 2000.

F.h. bæjarstjórnar Mosfellsbæjar,

Tryggvi Jónsson bæjarverkfræðingur.